



UMODZI WA AZIMAI

A BAPTIST AKU ZAMBIA B.C.Z.

IFE NDIFE  
NTCHITO  
NDI  
I AKORINTO

OGWIRA  
PAMODZI  
MULUNGU.  
3:9

# Uniform ya Azimai a Baptist aku Zambia



Bulauzi ya Purple ndi manja atali.

Skirt ya Blue ndi duku .

# **BUKU LOTSOGOLERA AZIMAI**

**BUNGWE LA AZIMAI A BAPTIST A ZAMBIA**

**NDIME YA AZIMAI A BAPTIST:**

*“Pakuti ife ndife anchito anzace a Mulungu...”*

1 Akorinto 3:9

**NYIMBO YA AZIMAI A BAPTIST:**

*“Bwerani azimai, konse lalikani”*

Colinga .....	3
Colinga 1 - Kuphunzira Buku Lopatulika .....	8
Colinga 2 - Kupemphera .....	10
Colinga 3 - Kucitira Umboni za Yesu.....	14
Colinga 4 - Dziwani za Dziko .....	18
Colinga 5 - Kugawana Zinthu - Udindo wa Mkristu.....	20
Colinga 6 -Kuphunzitsa Ana Athu.....	22
Colinga 7 - Kulemba ma Membala Atsopano .....	24
Colinga 8 - Kusankha Atsogoleri .....	25
Colinga 9 - Kuphunzitsa .....	33
Colinga 10 - Kupezeka ku Misonkhano Kusunga Zocitika Kudziwitsa.....	36
Msonkhano wa Azimai a Baptist.....	39
Cigwirizano ca Baptist mu Dziko Lonse .....	40

Printed by  
Baptist Printing Ministry  
P.O. Box 31995  
Lusaka

©Copyright, 2011,  
International Publications Services  
All Rights Reserved  
www.ipsimb.com  
ipsid: wman--zam-bem

## KUFOTOKOZA

Azimai a Baptist amu Zambia ndi bungwe la ma membala a Mpingo wa Baptist. Onse azimai a Baptist ayenera kukhala ma membala.

Azimai a Baptist mu dziko la Amerika anayamba kukomana mu caka ca 1888. Azimai a Baptist anafuna kugawa nthano ya Yesu ndi anthu ena. Magulu ang'ono a azimai anakomana m'madela osiyana-siyana a mipingo ya Baptist kwa zaka zambiri. Ma membala ocokera m'magulu amenewa anakomana pamodzi ndi kupanga bungwe la cigwirizano ca utumiki wa azimai. Tsopano ambiri azimai a Baptist mu dziko la Amerika agwilira nchito pamodzi. Pali mabungwe ya azimai mu maiko ena ambiri kumene kuli azitumiki a Baptist.

Azimai a Baptist mu maiko onse a dziko lapansi ali cigawo ca cigwirizano ca azimai m'dziko lonse.

Azimai a Baptist anayamba kukumana mu Zambia mu 1961. Nchito inayambika ndi azimai amene anafuna kudziwa za Mpulumutsi amene anafera dziko lonse. Anafuna kudziwa cimwemwe cokhala "*anchito anzace a Mulungu.*"

Nchito ya Azimai a Baptist mu Zambia yakula. M'sonkhano waukulu wa caka woyamba unali mu 1968. Tiyamika Mulungu cifukwa ca madalitso ace pa azimai a nchito ya Baptist mu Zambia

## AZIMAI A BAPTIST A ZAMBIA

**NDIME YATHU:** *“Pakuti ndife anchito anzace a Mulungu”*  
(1 Akorinto 3:9)

**MAONEKEDWE ATHU:**

Maonekedwe athu ofilira (purple), obiliwira (blue) ndi oyera (white).

Kuifilira, kuimilira Yesu, Ambuye wa moyo wathu.

Kubiliwirila, ku imilira cikhulupiriro cathu kwa Mulungu.

Kuyera, kuonetsa kuyera mtima kwathu pamene tikhulupilira Yesu.

**CIZINDIKIRO CATHU**

Cizindikiro cathu ca azimai cinapangidwa mukaumbidwe ka mitu ya nsomba iwiri. Kumasiku oyamba aci Kristu, kawiri kawiri Akristu anali kulondedwa. Pamene Akristu anakomana ndi mlendo, anali kupanga cizindikiro ca mutu wa nsomba. Ngati mlendoyo anali Mkristu, anakhoza kuzindikira msanga Mkristu mnzace. Mucilankhulidwe caci Giliki lembo loyamba la liu limodzi mwa “Yesu Kristu, Mwana wa Mulungu, Mpulumutsi,” ilodza ku liu lakuti “Nsomba.” Pamene apanga cizindikiro ca mutu wa nsomba, cinali umboni wacidule wa cikondi cao pa Yesu.

Pakati pacizindikiro cathu pali Buku Lopatulika lotseguka. Tifuna kutsata mau a Mulungu mu zonse zimene ticita. Ndime yathu, *“anchito anzace a Mulungu,”* ndi yolembedwa pa Buku Lopatulika lotsegolidwa.

Pali nyali pamwamba pa Buku Lopatulika lotseguka. Nyali iyi iimilira Yesu monga nyali ya dziko. Monga otsatira ace, tiyenera kulola nyali yace kuti iwale m’dziko lonse. Pansi pa Buku Lopatulika lotseguka, pali cithunzi thunzi ca dziko.

Ici cionetsa kuti tifuna anthu onse a M'dziko Lapansi kuti adziwe Yesu. Tifuna anthu kuli konse kuti adziwe Yesu kuti ndi "Nyali ya dziko."

## **NYIMBO YA AZIMAI**

- 1. Bwerani azimai, konse lalikani;  
Muyimbeni!  
Kristu ndi Mulungu, Kristu anauka;  
Kristu ndiye nyali tamandani.**
- 2. Bwerani ana onse, ndi alongo onse,  
Phunzitsani kuli wodwalawo, akufokafoka;  
Akukhala mdima, pempherani.**
- 3. Gwirani nchito zanu, limbikani  
m'mphavu, mupatseni;  
Cikondano canu; mtima idzakondwa  
Ndi cikondi cace; tiyembekeza.**
- 4. Ngati tidzazituta, M'lungu atipatsa  
Madalitso; Kristu wofatsa onse adzamfuna;  
Ali mphoto yathu ndi cimwemwe.**

3. Cigwirizano ca Azimai a Baptist a ku Ulaya.
4. Cigwirizano ca azimai a Baptist ku Latin Amerika.
5. Cigwirizano ca azimai a Baptist aku Asia.
6. Cigwirizano ca azimai a Baptist aku North Amerika.

Cigawo ca Azimai ca cigwirizano ca Baptist ca dziko lonse cigwira nchito kulimbikitsa cikhulupiro ca AKristu. Amalamulira zimene Azimai angacitire Kristu kuitana kukudzipereka kwa moyo ndi kupanga atsogoleri a luntha.

### **Kodi Copereka ca Patsiku la Mapemphero Cicita Ciani?**

1. Kuthandiza ndi ndalama kwa atsogoleri osankhidwa kucokera m'dela onse a dziko kuti akapezeke ku msonkhano.
2. Kupezela ndalama za kuphunzitsira atsogoleri.
3. Kulemba ndi kudinda monga "Tsiku la Mapemphero" ndi "Pamodzi."
4. Ithandiza mu zinchito zikulu zikulu za mu cigwirizano ca cithandizo ca Baptist ca dziko lonse.

## CIGWIRIZANO CA BAPTIST MU DZIKO LONSE

Cigwirizano ca Baptist mu dziko lonse (BWA) ipangidwa ndi ma Baptist ocokera mu madela asanu ndi imodzi adziko lonse. Colinga cace ciri motere:

“Cigwirizano ca Baptist ca dziko lonse, cili ku mbali zonse za dziko lapansi. Ilipo, m'malo mwakufuna kuonetsa kufunikira kwa umodzi wa anthu a Baptist. Mwa Ambuye Yesu Kristu; kugawa kuuzira ku ubale ndi kukulitsa mzimu wa ciyanjano, utumiki, ndi kugwirizana pakati pa ma membala ace.”

**Gawo la Azimai Acigwirizano ca Azimai** ca azimai a dziko lonse. Msonkhano umakhalako pa nthawi imodzi imene acigwirizano ca Azimai a Baptist amakumana. Cigawo ca azimai cikweza ciyanjano ca Akristu pakati pa azimai a Baptist a dziko lonse. Cigawo cimeneci sicipatsa citsanzo kapena dongosolo la nchito ya bungwe kuti azimai ayenera kulitsatira. Lifuna kukhala malo amene maganizo angagawidwe, afunika ku kambilana, ndi azimai kulimbikitsidwa kugwira nchito ya mpingo wa Kristu.

**Tsiku la Mapemphero la Azimai a Baptist** likonzedwa ndi cigawo ca Azimai. Tsiku la mapemphero linayambidwa ndi Azimai a Baptist aku Ulaya kupempha Mulungu kuti akonze mitima yao yosweka cifukwa ca nkhondo yaciwiri ya dziko lonse. Azimai anali ndi cidwi mu kukhadzikitsa mabvuto a dziko lonse pakupemphera pamodzi.

Cigwirizano ca dziko lonse ndi ici:

1. Cigwirizano ca azimai a Baptist mu Africa.
2. Cigwirizano ca azimai a Baptist ca kumwela kwa kumadzulo kwa nyanja ya Pacific.

## MALAYA ACIGWIRIZANO CA AZIMAI A BAPTIST

Azimai okhao amene ali ma membala obatizidwa a mpingo wa Baptist anga bvale malaya acigwilizano ca Azimai a Baptist a Zambia.

Pamene m'zimai asanabvale malaya acigwilizano, ayenera kucita zinthu izi:

- \_\_\_\_\_ 1. Ayenera kukhala okhulupirika ku mpingo wace. Ayenera kupezeka ku Sande Sukulu, ku mapemphero akumpingo ndi misonkhano ya mapemphero.
- \_\_\_\_\_ 2. Ayenera kukhala wa makhalidwe abwino. Ayenera kukhala mzimai wa mwamuna m'modzi. (1 Timoteo 3:11)
- \_\_\_\_\_ 3. Sayenera kusuta fodya kapena kumwa mowa.
- \_\_\_\_\_ 4. Ayenera kupezeka ku misonkhano ya azimai Baptist kwa miyezi isanu ndi umodzi (6 months).
- \_\_\_\_\_ 5. Ayenera kuphunzira nyimbo ya Azimai a Baptist.
- \_\_\_\_\_ 6. Ayenera kuphunzira ndime ya azimai a Baptist.
- \_\_\_\_\_ 7. Ayenera kukhala ndi Buku Lopatulika lace.
- \_\_\_\_\_ 8. Ayenera kuphunzira (Kuloweza) njira yacipulumutso.
  - \_\_\_\_\_ 1. Anthu onse ndi otaika ocimwa; (Aroma 3:23)
  - \_\_\_\_\_ 2. Mulungu anatuma Mwana wace kupulumutsa anthuotaika ocimwa (Yohane 3:16).
  - \_\_\_\_\_ 3. Cimene ocimwa ayenera kucita kuti apulumutsidwe

- \_\_\_\_\_ a. Kulapa. Luka 13:3
- \_\_\_\_\_ b. Kukhulupirira. Macitidwe 16:31
- \_\_\_\_\_ c. Kubvomera. Mateyu 10:32-33
- \_\_\_\_\_ d. Kumvera. Yohane 14:15

Pamene Mzimai adzaloweza ndime zonsezi ayenera kunena ku bungwe lopangidwa ndi anthu atatu: Mbusa wace, wakumpando wa azimai a Baptist amu mpingo wace, madikoni, wacimishoni, kapena ena atsogoleri amu mpingo wace. Ngati bungwe lakhutilitsidwa kuti akhoza ndime zonse bwino, ndi kuti akwaniritsa zofuna zina, mzimai angagule nsalu kuti apange malaya acigwirizano cace.

### **PHINI WA AZIMAI A BAPTIST**

Pambuyo pa mzimai kukhala ndi Malaya acigwirizano angapate phini wa azimai a Baptist a Zambia. Kuti akwaniritse zofunikira zimene mzimai ayenera kuphunzira (Kuloweza) colinga ca mzimai wa Baptist, ndi ndime imodzi ya ndime za m'Buku Lopatulika zimene ziimilira colinga cili conse.

Pambuyo pa mzimai kuloweza zonse zolinga ndi ndime zonse, ayenera kunena ku bungwe lopangidwa ndi anthu atatu:

Otsatira: Mbusa wace, wakumpando wa azimai a Baptist mu mpingo wace, madikoni, mishoni kapena ena atsogoleri a mpingo wace. Pamene bungweli lakhutilitsidwa kuti akhoza ndime zonse bwino angagule phini.

## **MSONKHANO WA AZIMAI A BAPTIST**

### **1. Msonkhano wa Sabata ndi Sabata**

Azimai a Baptist mu mpingo kawiri kawiri amakumana kamodzi pa Sabata. Ndi kwabwino kugwiritsa nchito buku la mndandanda pa msonkhano umenewo. Mabuku amenewa apezeka ku Baptist Publishing House, mu Lusaka. Pa msonkhano umenewu ma ofisala (atsogoleri) atsogolera Azimai a Baptist kulingalira za kulembetsa, kuyendera, ndi kucitira umboni.

### **2. Misonkhano ya Association**

Azimai a Baptist amene acokera mu mipingo ya Baptist mu association la Azimai a Baptist. Association idzaganizira momwe angadzikumanira. Misonkhano ingadzikhalako kamodzi, kawiri kapena katatu pa caka. Misonkhano ingakhale ya tsiku limodzi kapena sabata lonse la nthunthu. Ma ofisara angasankhidwe a association. Awa angasankhidwe monga mofunidwa. Ma amenewa angakhale: Mai wakumpando, Mai waciwiri wakumpando, kalembela, musungi cuma, pemphero/mtsogoleri wa otsarira a Yesu. Misonkhano ya association ndi nthawi yabwino ya kuphunzitsa atsogoleri ndi ciyanjano ca Cikristu. Atsogoleri ocokera ku azimai a Bapstist a Zambia angaitanidwe pa mtengo wa association kuthandiza kuphunzitsa atsogoleri kucokera ku mipingo mu association.

### **3. Azimai a Baptist a Zambia**

Azimai a Baptist akumana kamodzi pa caka. Malo a msonkhano a sankhidwa ndi bungwe lalikulu la Executive.

kupangidwa kubweretsa nkhani patsogolo pa gulu lonse kuti likambilane, kubweletsa kayendetsedwe ka nchito ka tsopano. Membala aimilira kuti alankhule kwa mai wakumpando kapena anyamula dzanja lace.

“Mai Wakumpando,” membala atero.

Mai Wakumpando aitana iye dzina lace, “Mai Banda.”

Ndipo membala adzayankha nati “Ndicotsa ico....”

Mai Wakumpando adzati “Cacotsedwa kale kuti....”

“Kodi kuliko kukambilana kwaciwiri?” Pambuyo pa kukambilana kwaciwiri, Mai wakumpando, adzaitana kukambilana kwina. Ndipo adzafunsa azimai kuti asankhe.

## MUTU 2

### COLINGA CA KUKULA MWA KRISTU

Pamene tilandira Yesu monga Mpulumutsi wathu, timakhala Akristu. Monga Akristu tiyenera kukula kukhala ngati Yesu m'makhalidwe a tsiku ndi tsiku.

Mu 1 Petro 2:2 tiwerenga kuti monga Akristu atsopano tiri ngati makanda. Makanda amafuna mkaka kawiri-kawiri. Akristu afunika kuwerenga Buku Lopatulika kawiri-kawiri, monga makanda akula ndi mkaka. Akristu atsopano adzakula mu mzimu kukhala ngati Yesu pamene afuna nzeru za Mulungu.

2 Petro 3:18 itiuza ife “kukula mucisomo (mphamvu ya mu mzimu) ndi nzeru za Yesu Kristu.”

Azimai a Baptist akweza zolinga khumi zimene zidzathandiza azimai a Cikristu kuti akule mu mzimu. Tiyeni tiphunzire zimodzi za izo:-

1. Kuphunzira Buku Lopatulika - Salmo 119:11
2. Kupemphera - Yohane 14:13-14
3. Kucitira Yesu umboni - Macitidwe 1:8
4. Kudziwa za dziko - Mateyu 28:19-20
5. Kugawirana zinthu - Udindo wa Akristu  
2 Akorinto 8:5; 1 Akorinto 16:2; Malaki 3:8-10
6. Kuphunzitsa ana athu - Miyambo 22:6; Deuteronomo 11:19
7. Kulemba ma membala atsopano - Yohane 3:16
8. Kusankha atsogoleri - 2 Timoteo 2:15
9. Kuphunzitsa atsogoleri - 2 Timoteo 2:15
10. Kupezeka ku misonkhano, kusunga zocitika, kudziwitsa, Ahebri 10:25; Yohane 4:24.

## COLINGA COYAMBA - KUPHUNZIRA BUKU LOPATULIKA

*“Ndinawabisa mau anu mu mtima mwanga, kuti ndisalakwire inu.”* Masalmo 119:11

Buku Lopatulika ndi Mau a Mulungu. Mulungu alankhula kwa ife kupyolera mu Buku Lopatulika. Tifunika kupemphera kuti timvetsetse Uthenga wa Mulungu kwa ife mu Mau ace. Mau ace ndi cakudya cimene tifuna kuti tikule mu mzimu. Miyoyo yathu ingakule kupyolera kuphunzira Buku Lopatulika.

Colinga cathu coyamba ndi “Kuphunzira Buku Lopatulika.” Tingafike pa colinga cimenezi mu njira zotsatira:

1. Pakulimbisa mzimai yense kuti awerenge Buku Lopatulika lace masiku onse.
2. Pakugwiritsa nchito kawerengedwa ka Buku Lopatulika ka tsiku ndi tsiku kamene kapezeka mudongosolo la Buku la azimai a Baptist.
3. Pakulimbikitsa azimai athu kutsogolera ana ao ndi amuna ao kuphunzira Buku Lopatulika masiku onse mu mapemphero a m’banja.
4. Pakuphunzira kuloweza mau apamtima sabata liri lonse pamene asanafike ku msonkhano.
5. Pakupezeka ku Sande Sukulu ndi ku mapemphero, ndi misonkhano ya azimai. Tifuna kuthandiza mpingo wathu; Sande Sukulu ndi gawo la mpingo m’mene Buku Lopatulika liphunzitsidwa. Tiyenera kupita ku Sande Sukulu kukaphunzira za Buku Lopatulika. Abusa alalikira kucokera m’Buku Lopatulika tifunika kukhala mu mpingo Sabata liri lonse kumva uthenga wa Mulungu kwa ife.

zidzatumizidwa kwa kalembela wa association. Kalembela wa Association adzatumiza zidziwitso za mpingo yonse kwa kalembela wa Azimai a Baptist a Zambia.

## MISONKHANO YA KAENDETSSEDWE KA NCHITO

Msonkhano wakaendetsedwe ka nchito ungasizikhalako ngati azimai afuna kuti akambilane za nchito.

### Kaendetsedwe ka msonkhano

#### **Kuitana bata**

Mai Wakumpando: Msonkhano tsopano udzakhala bata. Kalembela adzawelenga zimene zinafotokozedwa mu msonkhano watha.

Kalembela: Adzaimilira ndi kunena mau othokoza kwa mai wakumpando. “Mai wakumpando, zimene zinafotokozedwa kucokera mu msonkhano zinali motere:” (Awerenga zimene zinafotokozedwa).

Mai Wakumpando: “Kodi zimene zinafotokozedwa ziri bwino?” (Ndipo adzafunsa Kuti abvomereze zimene zinafotokozedwa.)

Msungi cuma: Mai wakumpando adzafunsa msungi cuma kuti apereke mndandanda wa ndalama. Msungi cuma adzagwiritsa nchito buku lazidziwitso lace ndi kufotokoza za ndalama zimene anali nazo pakuyamba kwace kwa mwezi, ndi zimene azigwiritsa nchito ndi zotsala pakutha kwa mwezi.

Mai wakumpando: “Kodi alipo ali ndi mafunso?” (Iye apatsa mamembala nthawi kuti akambilane kapena kufunsa mafunso)

Membala aliyense anga bweretse kayendetsedwe ka nchito ka tsopano. Kayendetsedwe ka nchito kayenera

3. Pakupempherera ao azimai amene samapezeka kapena sapezeka nthawi zonse.

### **KUSUNGA ZOCITIKA**

Tiyenera kusunga zocitika za nchito yathu ya gulu la Azimai. Tiyenera kutumiza zidziwitso ku kalemba wa association. Zocitika zionetsa ife m'mene takulila. Zocitika zitionetsanzo pamene ife tiri ofooka mu nchito. Tingaphunzire pamene tifunika kugwira nchito kwambiri pa zimene zocitika zionetsa.

1. Pakulimbikitsa kalembela kusunga zocitika sabata ndi sabata mu buku. Kulemba maina a mamembala onse mu buku losungilamo zocitika. Amaika cizindikiro pamawerengedwe a sabata liri lonse.
2. Pakulimbikitsa kalembela kusunga bwino bwino keyala ya membala aliyense. Tingadziwe kumene tingacezere mzimai.
3. Kalembela adzasunga zonedwa zonse za msonkhano wakaendetsedwe ka mpingo ndi kuwerenga zimenezi m'misonkhano ina ya kayendetsedwe ka mpingo.
4. Msungi cuma amasunga mndandanda wa ndalama zopatsidwa ndi ma membala sabata ndi sabata. Amasunga ndalama zoperekedwa pa copereka capadela. Amatumiza ndalama zapadela za copereka kwa msungi cuma wa BWZ.
5. Msungi cuma amadziwitsa sabata ndi sabata ku membala. Zidziwitso zace zifotokoza za ndalama zimene azilandira, ndi m'mene ndalama zagwiritsidwira nchito. Zifotokozanso za ndalama zimene zatsalapo.
6. Pakutha kwa miyezi itatu ili yonse kalembela ndi wakumpando adzazadza zidziwitso kothela kwa buku losungilamo zocitika. Zidziwitso zimenezi

6. Pakulondola ziphunzitso za Buku Lopatulika mu zonse zimene ticita.
7. Pakuwerenga zonse zipangizo za mndandanda wathu. Mndandanda wathu wa azimai a Baptist ndi okhazikika pa Mau a Mulungu. Tiyenera kuziphunzira ndi Buku Lopatulika Sabata liri lonse. Nthawi zonse pezani Mau a Mulungu mubuku lanu Lopatulika. Liphunzileni kunyumba. Membala aliyense ayenera kukhala ndi mndandanda wa buku la nthaka liri lonse. Tiyenera kusunga mndandanda wa buku ndi kupitiriza kuwerenga ndi kuphunzira iwo

## COLINGA CACIWIRI: KUPEMPHERA

*“Ndipo cimene ciri conse mukafunsa m’dzina langa ndidzacicita kuti Atate akalemekezedwa mwa Mwana.”*  
Yohane 14:13

Munthu analengedwa mucifaniziro ca Mulungu (Genesis 1:27). Ndikotheka kwa iye kukhala ndi cijanano ndi Mulungu. Anapangidwa iye kuti adzikhala ndi cijanano ndi Mulungu. Pemphero ndi kulankhula ndi Mulungu. Tiyamika Mulungu. Tithokoza iye cifukwa ca zonse zimene atipatsa tsiku ndi tsiku. Tibvomekeza macimo athu kwa iye. Kupempha cikhululukiro cace. Timuuzwa iye mabvuto athu, ndikupempha iye kuti atitsogolere kuti tidziwe cimene iye afuna kuti ticite. Timamuuzwa iye zinthu zimene tifuna ndi kupempha iye kuti atipezele zosowa za tsiku ndi tsiku. Timapemphera cifukwa ca otaika. Timapemphera cifukwa ca mpingo wathu ndi abusa athu. Timapemphera kuti ufumu wa Mulungu ukule padziko lino lapansi. Timapemphera cifukwa ca atsogoleri a boma. Timapemphera cifukwa ca anthu amaiko ena.

Yesu anataya nthawi yambiri mupemphero. Anaphunzitsa ophunzira ace kupemphera. Akristu Mucipangano Catsopano anapemphera kawiri kawiri.

Colinga cathu caciwiri ndi kupemphera. Tingafike pa colinga ici m’njira zotsatira:

1. Pakulimbikitsa mzimai aliyense kupemphera masiku onse. Kugwiritsa nchito mndandanda wa pemphero. Mzimai aliyense angasungenso mndandanda wa anthu amene awapemphelera. Angalembenso mndandanda wa zinthu zimene akuzipemphelera; ayenera kulemba pa mndandanda wace.

## COLINGA 10 - KUPEZEKA KU MISONKHANO KUSUNGA ZOCITIKA KUDZIWITSA:

*“Osaleka kusonkhana kwathu pamodzi, monga amacita ena, komatu tidandaulirane, ndiko koposa monga momwe muona tsiku lirikuyandikira.”* (Ahebr 10:25)

*“Mulungu ndiye mzimu; ndipo omlambira Iye ayenera kumlambira mu mzimu;”* (Yohane 4:24)

Pakufuna kuti ma membala athu akule mu nzeru zao zapa Mulungu, ayenera kuvera mau ace kawiri kawiri. Tiyenera kugwira nchito kuti onse azimai akazibwera ku misonkhano nthawi zonse! Mndandanda wathu wa Sabata ndi sabata utsatiridwa ndi mutu wa mwezi wa maphunziro. Ngati membala sapezeka kwa sabata limodzi, Iye amaphonya cimodzi ca coonadi cimene cakhala ciri kuphunzitsidwa.

Tidzakumana ndi colinga cathu ca khumi ndi zotsatira:

1. Pakulingalira mindandanda yabwino. Kugwiritsa nchito maganizo osiyana siyana pakubweretsa mndandanda. Azimai amene ali ndi magawo ao pa mndandanda angakhale patsogolo. Itanani mlendo kuti adzalankhule. Kapena abusa angaitanidwe. Gwiritsani nchito zithunzi kapena mapu, zimene zingathandize kuphunzitsa. Magawo sayenera kuwerengedwa koma kuti aperekedwe pambuyo pakutha kwa maphunziro. Mau a Mulungu ayenera kuti awerengedwe ku nyumba msanapite ku msonkhano. Mzimai aliyense ayenera kukhala nalo gawo pa mndandanda pa nthawi ya maphunziro.
2. Pakuyendera mzimai ngati sanabwere penapace adwala kapena ali ndi zofuna zina.

2. Funitsitsani kufuna utsogoleri wa Mulungu ndi madalitso.
3. Phunzirani mosamala zi nchito za ma ofesi.
4. Phunzirani dongosolo.
5. Phunzirani zofuna za mpingo wanu ndi kukhala ofuna kuthandiza.
6. Phunzirani buku lotsogolera.
7. Khalani ofuna kupitiliza mndandanda wonse wa azimai a Baptist ndi zocita zao.
8. Kupatsa inu nchito monga mtsogoleri wa azimai kukhala malo opambana mu moyo wanu. Khalani ofuna kutenga nthawi pakucita nchito iyi bwino.

2. Pakulimbikitsa mzimai aliyense kukhala ndi mapemphero apa banja. Mapemphero a pa banja ndi nthawi imene banja likumana pamodzi tsiku liri lonse ku pemphera Mulungu. Ndi nthawi imene banja liwerenga Buku Lopatulika ndi kupemphera pamodzi. Banja lingaimbe nyimbo zapafupi, kapena nyimbo za m'buku pakupemphera. Bambo, monga mutu wa nyumba, ayenera kutsogolera mu mapemphero a pa banja. Ngati Bambo si Mkristu, ndipo mai angakumane ndi ana pa mapemphero apa banja; pena pace bambo adzaona banja lace lipemphera ndi kufuna kupemphera nayenso. Ngakhale ana ocepa angapemphere ndi kuimba pa nthawi imeneyi. Anganene ndime za m'Buku Lopatulika zimene anaphunzira.

3. Pakulimbikitsa kukhala ndi nthawi zina za mapemphero mu nyumba. Tifuna kuphunzitsa ana athu kupemphera. Mu nyumba zathu tiyenera kupemphera pamene tisanayambe kudya cakudya. Tiyenera kugwetsa nkhope zathu ndikuthokoza Mulungu pakutipatsa cakudya. Tingaphunzitse ana ang'ono kunena kuti "zikomo kwa inu" m'mapemphero kwa Mulungu. Tingakhale ndi nthawi yapemphero ndi ana athu pamene asanapite kukagona. Ana angaphunzire kunena kuti zikomo pakuwasamalira kwace tsiku lonse. Angapempherenso kuti Mulungu awayang'anire usiku onse. Angaphunzire kupempha Mulungu kuwakhulukira macimo awo. Angaphunzire kupempherera anthu ena. Tingathandize ana athu akulu kuphunzira maphunziro awo aku Sande Sukulu sabata liri lonse. Tingapemphere ndi iwo cifukwa ca aphunzitsi a Sande Sukulu ndi ana amene amabwera. Ana athu amationa ife tiri kupemphera ndipo amaphunzira kupemphera naonso.

4. Pakuyang'anitsitsa masabata atatu apemphero.

- 1) Sabata la mapemphero la Zambia limakhalako mu mwezi wa Malichi (March). Mndandanda umalembedwa wa misonkhano isanu, kucokera pa lolemba kufikira pa cisanu. Pa sabata limeneri timaphunzira za nchito ya

zofuna za dziko lathu, ndipo timapereka copereka, kuthandiza nchito ya Baptist mu Zambia.

- 2) Sabata la mapemphero la Afrika limakhalako mu Sabata loyamba la mwezi wa August. Mndandanda umalembedwa wa masiku asanu, pa lolemba (Monday) kufikira pa Cisanu. Mndandanda ulembedwa kutiphunzitsa ife za zofuna za maiko mu Afrika ndi nchito ya Baptist momwemo. Timapereka copereka pa Sabata limeneli.
- 3) Sabata la mapemphero adziko lonse imakhalako mu Sabata loyamba la December. Timaphunzira za nchito ya Baptist m'maiko ena adziko lapansi. Timapempherera nchito ya Baptist m'maiko amenewa. Timapereka copereka pa sabata limeneri. Tingalankhule ndi abusa kuti alimbikitse anthu onse mu mpingo kuti apereke copereka capadela pa nthawi ya ma sabata amenewa.
- 4) Pakupenyetsetsa tsiku la mapemphero la Azimai a Baptist. Ici cimacitika Mande loyamba la November caka ndi caka. Mndandanda wapadela umalembedwa cifukwa ca msonkhano wa mapemphero pa tsiku limeneri. Tsiku la Baptist la mapemphero linakonzedwa ndi cigawo ca Azimai acigwirizano ca Baptist ca dziko lonse. Poyamba cinayambidwa mu Ulaya mu 1958 pakutha kwa nkondo ya dziko lonse ya ciwiri. Kunali kupwetekedwa ndi kukhala ndi maganizo oipa pakati pa maiko. Azimai a Baptist anayamba kupempherera kuti cilonda cimene ciri pakati pa maiko ciciritsidwe. Lero tipempherera nchito yathu ya Baptist m'maiko ambiri m'dziko lonse. timapereka copereka capadela pa m'sonkhano wathu kuthandiza nchito ya azimai a Baptist mu Afrika. Copereka cimathandizanso nchito ya cigwirizano ca azimai ca dziko lonse.
- 5) Pakulimbikitsa mzimai aliyense kupezeka ku msonkhano wa mapemphero mu mpingo wace.

## COLINGA 9 - KUPHUNZITSA MA OFISALA (ATSOGOLERI)

*“Ucite cangu kudzionetsera kwa Mulungu wobvomerezeka, wa nchito wopanda cifukwa ca kucita manyazi, wolunjika nao bwino mau a coonadi.” 2 Timoteo 3:15*

Njira yokhayo yakuphunzira kugwira nchito ndi pakuicita. Monga mzimai amene ayamba nchito yace, amaphunzira m'mene nchitoyo adzaigwilira. Koma azimai a Baptist naonso afuna atsogoleri ao onse akhale ophunzitsidwa. Monga atsogoleri ayenera kudziwa zonse za nchito yao.

Colinga cathu ca cisanu ndi ciani tidzacifika pakucita zotsatira.

1. Pakulimbikitsa atsogoleri athu kupezeka ku misonkhano ya association gawo la mndandanda wa musonkhano wa association ueyenera kulingaliridwa pakuphunzitsa atsogoleri.
2. Pakulimbikitsa atsogoleri athu kupezeka ku musonkhano wa pa caka. Azimai a Baptist a Zambia.
3. Pakupezera maphunziro a atsogoleri.
4. Pakulimbikitsa atsogoleri kuti adziwe nchito yao bwino.
5. Pakulimbikitsa atsogoleri kuti adzipezeka ku misonkhano yonse ya ku mpingo.
6. Pakulimbikitsa atsogoleri kuti aphunzire mosamalira zimene a Baptist akhulupilira ndi kuphunzitsa.

## MOMWE MUNGAKHALIRE OFISALA WABWINO

1. Landilani nchito yanu monga utumiki kwa Mulungu.

maphunziro ophunzitsa atsogoleri aku association adzakhalira. Ma ofisala onse ayenera kupezeka ku masukulu a maphunziro amenewa kuphunzira kugwira nchito bwino.

I. Zifukwa zina zimene azimai ena safunira kukhala ma ofisala.

- 1) Kusowa kwa mzimu; kusafuna kuika zinthu zoyamba poyamba.
- 2) Kusowa masompenya, sakumbukira kuti dziko ndi losowa ndi kuti ayenera kuthandiza kulibweretsa kwa Kristu.
- 3) Kusaphunzitsidwa. Cifukwa siali ophunzitsidwa, amamva mantha kuyesa.

II. Njira zogonjetsera zifukwa izi:

- 1) Mapemphero lingalirani kuti musonkhano uli onse Mzimu Woyera uli kuyenda yenda momwemo. Tsogolelani azimai kuti adziwe kuti siali okha. Mulungu ali ndi iwo ndipo ayenera kufuna zinthu zoyamba poyamba.
- 2) Nkhani za utumiki ziyenera kufotokozedwa kuti mzimai aliyense azindikile ku khudzidwa kwace pakupata dziko lonse kwa Kristu, pakupemphera ndi kupereka zambiri.
- 3) Perekani maphunziro abwino kwa atsogoleri pa misonkhano ya pasabata pakuphunzira buku lotsogolera ena mabuku okhuza za zimenezi.

6. Pakulimbikitsa mzimai aliyense kukhala ndi nthawi yapadela ya pemphero pamene nthawi ya citsitsimutso isanafike mu mpingo wace.

7. Pakulimbikitsa mzimai aliyense kukhala ndi nthawi ya cete tsiku ndi tsiku.

8. Pakulimbikitsa mzimai aliyense kusankha mzimai amene adzakhalira bwenzi lace pakupemphera.

## COLINGA 3 - KUCITIRA UMBONI ZA YESU

*“Komatu mudzalandira mphamvu, Mzimu Woyera atadza pa inu: Ndipo mudzakhala mboni zanga mu Yerusalemu, ndi m’Yudeya lonse, ndi Msamariya, ndi kufikira malekezere ace adziko.”* Macitidwe 1:8

Nchito yaikulu yofunikira ya Mkristu ndi kugawa Yesu ku anthu otaika. Azimai a Baptist akhulupirilira kuti Mkristu aliyense ayenera kucitira umboni za Yesu. Tidzatsogolera anzathu kwa Yesu. Ici ciitanidwa kuti “Kupata-mzimu.” Mu misonkhano yathu tumaphunzira mogawira dongosolo la Mulungu la cipulumutso. Tiphunziranso momwe tingaonetsere cikondi ndi kukhudzidwa cifukwa ca anthu otaika - amene akhala motizungulira. Ena adzaona yesu mu miyoyo yathu. Tidzagitira umboni za Yesu mu njira zotsatira:

1. Pakuloweza njira yacipulumutso.
2. Pakulimbikitsa membala aliyense kukhala ndi umoyo wapamwamba wa Cikristu mu moyo wace. Anthu ena ayenera kuona Yesu mu umoyo wathu pamene tisanawatsogolere kwa iye. Zina zakhalidwe la Cikristu zimene tiyenera kutsatira ndi izi:
  - 1) Kupemphera ndi kupembedza mu nyumba yathu.
  - 2) Kusunga sabata mu njira ya Cikristu.
  - 3) Kukana kugwiritsa nchito mowa ndi fodya.
  - 4) Kukhala audongo mu maonekedwe, mabvalidwe, ndi mzinthu zina zimene ticita.
  - 5) Kumvera Malamulo adziko.
  - 6) Kusamalira bwino ana athu.
  - 7) Kukonda anthu ena, mamembala apfuko lina ndi mitundu monganso mabanja athu.

3. Lembani maina a atsikana amene abwera kudzaphunzira. Lembani tsiku lobadwa ndi tsiku limene anatha msinkhu.
4. Perekani ciphunzitso ca Cikristu za kukula kwa thupi mtsikana amene anatha msinkhu.
5. Pitilizani kuphunzitsa atsikana ciphunzitso ca Cikristu pa nthawi imene ali ndi bwenzi, atakwatiwa, atatenga mimba yoyamba kapena pamene atabala mwana woyamba.
6. Pelekani makalata a umboni pamene mwana atabadwa mbanja m’menemo.
7. Adziwitseni atsikana za msonkhano ya madera ena.
8. Adziwitseni atsikana ciri conse cimene sicigwirizana ndi Mau a Mulungu.

## KUSANKHA ATSOGOLERI

Ma ofisala a Azimai a Baptist amasankhidwa kamodzi pa caka. Nthawi yabwino yocita izi ndi koyambila kwa caka. Mwezi umodzi isanafike nthawi yosankha ma ofisala ena atsopano. Wakumpando amasankha bungwe losankha. Kawiri kawiri amakhala atatu kufika ku ma membala asanu mu bungwe limeneli. Bungwe limeneli limakumana ndi kusankha azimai a ofesi ili yonse. Amaphunzira zinchito ndi zoyenera ma ofisala. Phunziro ili lithandiza iwo kusankha azimai amene angakhoze kugwira nchito mu ofesi ili yonse. Pambuyo pakusankha maina, bungwe lidzapita kukalankhula ndi mzimai osankhidwayo ndi kumufunsa iye ngati ali ofuna kugwira nchito imeneyi. Ngati mzimai safuna kugwira nchito, bungwe losankha lidzasankha ena azimai.

Bungwe losankha limapereka zidziwitso ku msonkhano wa azimai. Wakumpando wa gulu amafunsa ngati pali ena maina amene angafunike kusankhidwa a ofesi ili yonse. Ngati wina afuna kupereka maina ena, azimai osankha pa maina onse amene anasankhidwa. Ma ofesara atsopano amaphunzira za nchito zao mu buku lotsogolera azimai a Baptist. Afunika kudziwa cimene ayenera kucita; Ayenera kukhala ofuna kuphunzira monga atsogoleri. Mai Wakumpando adzakhala owafotokozera za tsiku limene

8. Adzalingalira ndi kutsogolera maphunziro apadela amu April, May ndi June.

### **Nchito ya Mtsogoleri wa Athandizi a Ana:**

1. Amasunga nchito ya athandizi a ana.
2. Amasankhidwa ndi azimai a Baptist.
3. Amatsogolera azimai kuthandiza ndi nchito.

### **Alangizi:**

#### **Atsogoleri a alangizi**

Alangizi ndi azimai omwe asankhidwa ndi mpingo wao, kuthandiza kuphunzitsa atsikana mu njira ya umulungu. Ndi azimai omwe ali Akristu okhulupirika, osankhidwa cifukwa ca kukula kwa mu Cikristu ndi kumvetsetsa. Nchito yao yoyamba kutsogolera atsikana omwe sadziwa Kristu kumulandira monga Mbuye ndi Mpulumutsi wao ndiponso kutsogolera atsikana amenewa kukula ku uzimu mwa Kristu.

Kuyenera kukhala alangizi osankhidwa awiri mu mpingo uli wonse. Azimai amenewa safunika kupatsidwa ndalama kapena malipilo pa nchito yao. Mphoto yao ndi cikondwerero comwe apeza pa kutumikira Ambuye.

### **MOMWE MUNGASANKHILE ALANGIZI**

Pa kusankha alangizi, makolo mu mpingo ayenera kusankha azimai omwe akhala mamembala a mpingo kwa zaka zinai, ngati ncotheke. Ayenera kukhala okwatidwa. Cingakhale cabwino kwa alangizi kudziwa kuwerenga ndi kulemba. Ku mitsonkhano ya alangizi yomwe icitika kawiri pa caka.

### **NCHITO YA ALANGIZI**

Alangizi ayenera kudziwa kuti anasankhidwa.

1. Kupereka citsanzo ndi makhalidwe a Cikristu ndi kuonetsa umboni wabwino.
2. Kutsogolera atsikana amene sadziwa Kristu kuti alandire Yesu Kristu kukhala Mpulumutsi wao.

3. Pakuzindikira zofuna za anthu otizungulira.

4. Kupanga malingaliro kotero kuti azimai a Baptist akhoza kukumana ndizosowa zao. Malingaliro ena ndi awa:

- 1) Kucezera amene siali Akristu, kuyendera, kupemphera, kucitira umboni ku anthu amene siali Akristu, kugwiritsa nchito matilaki, kuphunzira njira za kupata mzimu.
- 2) Kuthandiza mpingo wathu ku nchito zace. Kugwira nchito mu Sande Sukulu, kuthandiza kuphunzitsa mamembala atsopano. Kuthandiza kuti mpingo uoneke wokopa pakuyeretsa cipupa kugwira nchito pa zinthu za mpingo. Kugula zinthu monga mabuku anyimbo, nsalu za pa tebulo, ndi zina zotero za mu mpingo. Bweretsani maluwa ku mpingo.
- 3) Thandizani anthu amene ali kufuna cakudya ndi zobvala. Sokani zobvala za odwala mucipataa. Sokani zobvala za awo amene ali ndi zosowa. Gwiritsani nchito copereka kugula zobvala, monga mabulangete kapena zakudya. Pamene zinthu izi zipatsidwa, tsimikizani kuti mwawauza anthu za Yesu. Cifukwa ndi cakuti mukonda Yesu ndi kukonda iwo. Mungakhale ndi mwai wakupanga mndandanda wapadera mucipatala.
- 4) Kuthandiza odwala  
Kuyendera odwala  
Kukhala ndi mndandanda wapadera wa mu nyumba kapena ku cipatala.  
Kupemphera ndi odwala.  
Kutenga mphoto ya maluwa.  
Kuthandiza mu nyumba kapena m'munda mwa wodwalayo.  
Gwiritsani mwai uli onse kuuza anthu za cikondi ca Yesu pa anthu otaika.

- 5) Thandizani pa nthawi ya maliro.  
Cezerani ndi kupemphera ndi banja.  
Imbani nyimbo ndi kuwenga Buku Lopatulika ndi iwo.  
Thandizani kusoka cobvala camaliro.  
Thandizani kuphika.  
Tengani mphatso zothandiza.
- 6) Kuthandiza anthu okalamba pamene mukumana ndi  
zosowa zao,  
Citirani umboni za Yesu.  
Citirani umboni kumabanja awo.
- 7) Kuphunzitsa anthu kuwenga.  
Iyi ndi nchito yaikulu mu Zambia.  
Maphunziro aperekedwa kwa aphunzitsi amene ali ofuna  
kuphunzitsa ena amene sangathe kuwenga.  
Werengani Buku Lopatulika ku anthu amene sangathe  
Kuwenga.  
Kuphunzitsa ena kuipa kwa kuledzera, kukoka fodya, ndi  
kuchaya njuga.
- 8) Kuphunzitsa ena ndi citsanzo cathu.  
Tingagwiritse nchito matiraki, zikongwani, ndi umboni  
watekha.  
Tingaphunzitse kuti kuphika ndi kugulitsa mowa ndi  
kulakwa.
- 9) Kuphunzitsa anyamata athu ndi atsikana kuti kukhala  
malo amodzi pamene asanakwatirane ndi kulakwa.

## UTUMIKI WA WEKHA

- I. Zinthu zisanu ndi zitatu za malingaliro a utumiki wa Kristu  
wa yekha.
  - 1) Kucezera odwala.
  - 2) Kuthandiza ali ndi zosowa.
  - 3) Kukhala ndi misonkhano ya mapemphero.
  - 4) Kuphunzitsa ndime za Buku Lopatulika.

5. Amapereka zidziwitso kwa azimai pakutha kwa miyezi  
itatu iri yonse, amadziwitsa ndalama zimene  
zinaperekedwa, zinaonongedwa ndi zosalapo.
6. Amatenga ndalama za tsiku la mapemphero, ndi masabata  
apadela amapemphero, a zinthu zikulu zikulu za dziko.  
Ndipo amatumiza ndalama kwa msungi cuma wa BWZ.

### Nchito ya Mtsogoleri wa Mndandanda: (Angakhaleenso wakumpando)

1. Amatsogolera mndandanda wa tsiku la msonkhano uli  
wonse.
2. Amalingalira za mndandanda wa sabata liri lonse.  
Amalingalira njira zambiri zakuperekerera mndandanda.  
Amagwiritsa nchito zinthu zosiyana siyana kuti  
mndandanda ukhale wacidwi.
3. Amapereka magawo kwa azimai pena sabata limodzi  
lisanafike tsiku la musonkhano.
4. Amakonza mndandanda kotero kuti membala aliyense ali  
ndi gawo kamodzi mu mwezi (Kapena miyezi itatu  
iliyonse.)

### Nchito ya Mtsogoleri wa Mapemphero:

1. Amalingalira mndandanda wa sabata la mapemphero.
2. Amatsogolera mndandanda pa nthawi ya sabata la  
mapemphero.
3. Amalingalira za mndandanda tsiku la mapemphero  
ndikutsogolera.
4. Amalimbikitsa azimai kupemphera ndi kuwenga Buku  
Lopatulika masiku onse.
5. Amalimbikitsa azimai kugwiritsa nchito buku la azimai la  
mapemphero a tsiku ndi tsiku.
6. Amalimbikitsa azimai kukhala ndi mapemphero mu  
nyumba zao.
7. Amalimbikitsa azimai kuloweza mau a Mulungu mu  
mitima.

Adzaona kuti utumiki wayekha pa yekha ucitidwa mu mpingo wace.

### **Nchito ya Kalembela**

1. Amasunga zocitika mu buku za azimai a Baptist. Mu buku limeneri amalembano maina onse a mamembala ndi kumene akhala. Amaitana maina a azimai pa msonkhano uli onse ndi kuika cizindikiro ngati alipo.
2. Amalemba mubuku nambala ya ndalama zimene zaperekedwa sabata liri lonse. Amasunga zocitika za sabata la mapemphero ndi tsiku lopempherera copereka.
3. Amalemba zonedwa mu misonkhano ya mpingo. Amalemba zimene zinacitika mu misonkhano ya mu mpingo.
4. Amasunga mapepala onse a azimai a Baptist. Amalemba ngati ndikofunikira.
5. Amathandiza wakumpando kukonza zidziwitso pakutha kwa miyezi itatu ili yonse. Zidziwitso zikhala mu Buku losungilamo. Cidziwitso cimeneci citumizidwa kwa kalembela wa Association.

### **Nchito ya Msungi Cuma**

1. Ayenera kupereka citsanzo cakupereka cakhumi.
2. Amatsogolera azimai kupereka cakhumi ndi kucipereka ku mpingo.
3. Amasunga zidziwitso za momwe ndalama zigwiritsidwira nchito ndi cimene cagolidwa.
4. Asunga ndalama za azimai.

- 5) Kuitana ene ku Sande Sukulu, mpingo, ndi ku misonkhano ya azimai.
- 6) Uzani ena za Yesu.
- 7) Cezerani ali mucipatala. Bvalani malaya acigwirizano ngati muli nao.
- 8) Sungani mpingo ndi malo ozungulira mwa udongo.

### **II. Ndi cifukwa cianitiyenera kukhala ndi utumiki wa Cikristu?**

- 1) Citsanzo ca Yesu mu Mateyu 9:35-38
- 2) Yesu analamulira mu Luka 10:27
- 3) Yesu analamulira mu Mateyu 10:40-42

### **III. Tingakonzekere bwanji utumiki wa Cikristu wa wekha.**

- 1) Kufufuza makhalidwe athu, (ndi cifukwa ciani ndi cita ici).
- 2) Kutenga Buku Lopatulika, matiraki, ndi ena maphunziro.
- 3) Pemphani cifukwa ca citsogozo ca Mulungu
- 4) Khalani audongo ndi kubvala bwino

### **IV. Zoyenera mukuzezera ndi zotani?**

- 1) Kuthandiza kupyolera mu kulankhuza.
- 2) Kukhala ndi cidwi mu munthu.
- 3) Lolani munthu amene mwadzera kuti alakhule.
- 4) Khalani acifundo ndi cimvano.
- 5) Werengani Buku Lopatulika.
- 6) Pempherani ndi iwo.
- 7) Dziperekeni kuthandiza.

### **V. “Zosa-cita” Mukucezera m’cipatala.**

- 1) Osalankhula mokweza mau.
- 2) Osakhala m’njira ya anchito a mucipatala.
- 3) Osakhala pa khama.
- 4) Osapatsa wodwala mankwala ali wonse.
- 5) Osasokoneza zinthu mu cipinda ca mucipatala.
- 6) Osapita kucipatala pa nthawi yosaloledwa. Dziwani nthawi yocezera.

## COLINGA CACINAI - DZIWANI ZA DZIKO

*“Cifukwa cace mukani, phunzitsani anthu amitundu yonse, ndi kuwabatiza iwo m’dzina la Atate, ndi la Mwana, ndi la Mzimu Woyera: Ndi kuwaphunzitsa, asunge zinthu zonse zimene ndinakulamulirani inu; ndipo onani, Ine ndiri pamodzi ndi inu masiku onse, kufukira cimariziro ca nthawi ya pansi pano.”* Mateyu 28:19-20

Pamene tiphunzira Buku Lopatulika, tiphunzira za cikondi ca cikulu ca Mulungu ca anthu onse adziko lapansi. Cikondi cace cinali cacikulu kotero kuti anatuma mwana wace wobadwa yekha. Yesu kudzafera macimo a anthu. Mulungu safuna aliyense mu dziko kukhala otaika mu cimo. Afuna anthu onse kuti alape, kukhulupilira Yesu monga Mpulumutsi, ndipo motero apeze moyo wosatha. Malingaliro a Mulungu ndi akuti amene akhulupilira Yesu adzauza ena kuli konse za iye. Yesu anati kwa omatsira ace, *“Mukani ku dziko lonse lapansi. Lalikirani uthenga wabwino kwa olengedwa onse”* (Marko 16:15).

Kodi Mkristu angapite bwanji ku dziko lonse? Tiyenera kukhala ndi cikondi ndi kulabadila monga cikondi ca Mulungu, ndi kulabadila anthu otaika. Tiyenera kudziwa zosowa zao kotero kuti tiwapempherere iwo. Tiyenera kuphunzira m’mene mphatso zathu za ndalama zingathandizire iwo kuti amve za Yesu. Tifunika kudziwa zina za anthu ndi zofuna zao m’dziko m’mene tikhala. Tifunikanso kudziwa zina za anthu ndi zofuna zao m’maiko ena m’dziko lapansi.

Colinga cathu ca cinai “Kudziwa za dziko.” Colinga ici cititsogolera kufuna kugawa Yesu ndi anthu ena pamene tiphunzira za iwo. Tingafike pa colinga ici m’njira zotsatira:

- 1) Pakukumana sabata liri lonse mu misonkhano ya azimai a Baptist.

4. Amagwira nchito pamodzi ndi atsogoleri a otsatira a Yesu ndi athandizi a ana. Amawathandiza iwo ndi nchito zao. Amaonanso kuti azimai a Baptist acita “Umai” magulu bwino.
5. Amathandiza akalembela kukonzekera zidziwitso pakutha kwa miyezi itatu iri yonse. Zidziwitso zimenezi ziwerengedwe kwa azimai pa misonkhano yao ndipo ndikutumizidwa kwa akalemba a association.
6. Amalimbikitsa ma ofisala ace kupezeka ku misonkhano ya association yophunzitsa.

### Nchito ya Mai Wakumphando Waciwiri/Mtsogoleri Woyendera

1. Amagwira nchito ya mai wakumphando ngati wakumphando palibe.
2. Amatsogolera azimai kupanga dongosolo la kulembetsa.
  - 1) Amapanga dongosolo la kulembetsa ma membala atsopano ndi kutsogolera azimai mu nchito iyi.
  - 2) Amapanga dongosolo la kuyendera ma membala amene apezeka ku misonkhano ndi kutsogolera azimai mu nchito iyi.
  - 3) Amapanga dongosolo ndi kuthandiza kusonkhanitsa magulu azimai atsopano.
3. Amatsogolera azimai kutumikira mu midzi:
  - 1) Amatsogolera ma membala kupeza zofuna za dela limene akhala. (Matenda, Imfa, Kubadwa kwa ana)
  - 2) Amatsogolera azimai pakupanga dongosolo ndi kugwira nchito kukumana ndi zofunika zimenezi.
  - 3) Amatsogolera azimai mu kucitira umboni. Amathandiza azimai kupanga mundandanda wa maina a azimai otaika. Amapempherera otaika. Amayendera ndi kucitira umboni kwa iwo.
  - 4) Atsogoleri a azimai ku kulingalira ndi kucita utumiki Akristu mamembala onse amathandiza ndi nchito.

### Maganizo a Atsogoleri a Gulu Laling'ono

1. Mai wakumpando/amene adzakhala ngati mtsogoleri wa mapemphero.
2. Waciwiri wa mai wakumpando/amene adzakhhalanso ngati mtsogoleri wa madongosolo.
3. Kalembela ndi msungi cuma.
4. Mtsogoleri wa athandizi wa ana ndi otsatira a Yesu ndi mtsogoleri wosunga zamaphunziro anga onjezeredwe pamene gulu liri kukula.

Azimai a Baptist akhulupirila kuti pamene mzimai wa Cikrstu aphunzira kutumikira Mulungu mu mpingo wace adzakhala iye mu mzimu.

### **ZOYENEREZA ATSOGOLERI**

Izi ndi zina za zoyenera za azimai amene atumikira ngati atsogoleri athu.

1. Ayenera kukhala Akristu okhulupilika.
2. Ayenera kukhala ma membala obatizidwa a mpingo.
3. Ayenera kukhala ndi cikondi ca mapfuko onse ndi mitundu yonse.
4. Ayenera kukhala ofuna kugwira nchito ndi kukhala okonzekera bwino nchito zao.

### **NCHITO ZA MA OFISALA**

#### Nchito ya Mai Wa kumpando

1. Atsogolera pa misonkhano yonse ya nchito ya Azimai.
2. Amadziwa za nchito ya azimai a Baptist. Amadziwa nchito za ma ofisala onse. Amaphunzira Buku la atsogoleri mosamala.
3. Amagwira nchito pamodzi ndi ma ofisala kuona kuti misonkhano ndi mindandanda ili yokonzedwa bwino.

- 2) Pakugwiritsa nchito mindandanda wathu umene uli mu buku la mindandanda la azimai kucokera ku Baptist Publishing House.
- 3) Pakuphunzira za kukula kwa uthenga wabwino m'maiko onse adziko lapansi.
- 4) Pakuphunzira Buku lotsogolera azimai a Baptist ndi kuphunzira za bungwe lathu ndi nchito yace.
- 5) Pakuyang'anira Masabata atatu a mapemphero a azimai a Baptist.
- 6) Pakuyang'anira mabuku apadera aza nchito ya maiko ena. Ena mabuku tiri nao ndi awa:
- 7) Pakuphunzira nchito ya cigwirizano ca a Baptist ca dziko lonse kupyolera mu mindandanda wa mapemphero a dziko lonse ndi "ciwalo ca nkhani yabwino" ndi "Pamodzi."

## COLINGA 5 - KUGAWANA ZINTHU - UDINDO WA MKRISTU

*“Kodi munthu adzalanda za Mulungu? Ndipo inu mundilanda ine. Koma mukuti, takulandani zotani? Limodzi limodzi la magawo khumi ndi zopereka. Mutembereredwa ndi temberero. Pakuti mundilanda ine. Ndinu mtundu uwu wonse. Mubwere nalo limodzi limodzi lonse la khumi ku nyumba yosungilamo kuti m’nyumba mwanga mukhale cakudya; ndipo mundiyese nako tsono ati Yehova wa makamu, ngati sindikutsegulirani mazenera a kumwamba ndi kukutsanulirani madalitso wakuti adzasoweka malo akuulandira.”* Malaki 3:8-10 ndi 2 Akorinto 8:5; 1 Akorinto 16:2

Monga azimai a Cikristu tifuna kuthandiza nchito ya mpingo wathu. Azimai a Baptist ndi mbali ya mpingo. Tikonda mpingo wathu ndipo tifuna kuona kuti ukukula. Mau a Mulungu atiphunzitsa ife kupatsa ku mpingo. Mulungu atiphunzitsa ife kupatsa mokondwa ndi modzipereka. Ndiponso azimai a Baptist amaphunzira mogwiritsa nchito mphatso zao mu utumiki wa Mulungu ndi mpingo. Tidzipereka ife tokha ndi ndalama zathu pakuthandizira nchito ya Mulungu. Colinga cathu cacisanu cingakomanizidwe ndi njira zotsatira:

1. Pakuphunzira zimene Buku Lopatulika linena pa za udindo.
2. Pakulimbikitsa azimai onse kupereka cakhumi cao ndi copereka ku mpingo. Mulungu atilamulira ife kubweretsa cakhumi ku nyumba yace, mpingo. Malaki 3:10 - itiphunzitsa ife kupereka cakhumi ca zonse zimene tiri nazo ndi ca Mulungu. Ngati tiri ndi 10 ngwee, 1 ngwee ndi ya Mulungu. Ngati tiapanga masaka khumi a ufa, imodzi

## COLINGA 8 - KUSANKHA ATSOGOLERI

*“Koma zonse zicitika koyenera ndi kolongosoka.”*  
(1 Akorinto 14:40)

Bungwe ndi njira imene anthu amagwilira nchito pamodzi kuti nchito ithe. Nchito imeneyi ndico citsimikizo ceni ceni. Bungwe ndi njira imene nchito igwiridwira. Azimai a Baptist amasankha atsogoleri ndi colinga cakuti agwire nchito ya Yesu. Bungwe la nchito lidzationetsa ife atsogoleri amene afuika kugwira nchito. Azimai ena ali ndi magulu akulu ndipo ali ndi azimai ambiri amene angakhale atsogoleri. Azimai ena ali ndi magulu ang’ono ndipo alibe atsogoleri ambiri.

### Atsogoleri a Gulu Lalikulu:

1. Mai wakumpando/amene adzakhalanso ngati mtsogoleri wa mapemphero.
2. Otsatira mai wakumpando/amene adzakhalanso ngati mtsogoleri wa madongosolo
3. Msungi cuma.
4. Mtsogoleri wa mapemphero.
5. kalembela.
6. Mthandizi wa ana.
7. Otsatira a yesu.
8. Mtsogoleri wa maphunziro.
9. Alangizi

Azimai anu angafune kusankha athandizi a ma ofesi awa. Mudzafuna mzimai kapena gulu losankhidwa (Committee) kugwira zina za nchito monga kuyendera. Sankhani ma ofisala amene mufuna kuti agwire nchito.

## COLINGA 7 - KULEMBA MA MEMBALA ATSOPANO

*“Pakuti Mulungu anakonda dziko lapansi kotero, kuti anapatsa Mwana wace wobadwa yekha, kuti yense wakukhulupirila mwa iye asatayike, koma akhale nao moyo wosatha.” (Yohane 3:16)*

Tifuna kulemba ma membala atsopano mu nchito yathu ya azimai. Tifuna kulimbikitsa ma membala athu kuyendera azimai anzaa, kuwaitana iwo kuti abwere ku misonkhano. Tidzalemba mamembala atsopano ndi kufika pa colinga ici ca cisanu ndi ciwiri pakucita zotsatira:

- 1) Pa kuyendera azimai amene sapezeka ku misonkhano. Tidzawalimbikitsa kuti apezeke.
- 2) Pakukonza dongosolo labwino la m’sonkhano kotero kuti azimai adzafuna kupezekako. Tiyenera kukhala ndi dongosolo limene lidzaciditsa cidwi azimai. Tiyenera kupanga dongosolo limene lidzapatsa mzimai aliyense mwai wakatengako mbali.
- 3) pakuthandiza kuyamba bungwe la azimai a Baptist latsopano.
- 4) Pakudziwitsa alendo mu mpingo pa nthawi ya mapemphero ndi kuwaitana kuti apezeke ku misonkhano ya azimai.
- 5) Pakukumbukira kupanga alendo onse olandilidwa mu mpingo wathu.
- 6) Sungani mndandanda wa azimai amene angabwere ku musonkhano wa azimai. Ayendereni kawiri kawiri.

ndi ya Mulungu. Ngati tiri ndi nkuku khumi, imodzi ndi ya Mulungu. Tingaigulitse ndi kupereka ndalama ku mpingo. Cakhumi cathu cithandiza mpingo kuti ukule. Cakhumi cathu cigwiritsidwa nchito m’njira zotsatira:

- 1) Kuthandiza abusa athu malipiro ao.
- 2) Kuthandiza kugula mabuku.
- 3) Kuthandiza pa zinthu zofunika pa mpingo.
- 4) Kuthandiza kuti mpingo ukonzedwe bwino.
- 5) kusamalira ali ndi zosowa, odwala, ofedwa, amasiye.
- 6) Kutukula nchito ya association, nchito ya convention ndi azimai a Baptist a Zambia.

## COLINGA 6 - KUPHUNZITSA ANA ATHU

*“Phunzitsani mwana poyamba njira yace, ndipo angakhale atakalamba sadzacokamo.”* Miyambo 22:6

*“Ndipo mudziwaphunzitsa ana anu, ndi kuwalankhula awa pokhala inu pansi m’nyumba mwanu, ndi poyenda inu panjira, ndi pogona inu pansi ndi pakuuka inu pomwe.”* Deutronomo 11:19

Monga azimai a Cikristu tifuna zinthu zimene ziri zabwino kopambana za ana athu. Tifuna kuti akhale ndi cakudya cabwino ndi zobvala kuti abvale. Tifuna kuti apite kusukulu. Tifuna kuphunzitsa ana athu za Yesu. Tifuna kuti aphunzire kumukonda yesu ndi kumutsata tsiku ndi tsiku. Tiyenera kuyamba kuphunzitsa ana athu pamene akali ang’ono (Miyambo 22:6). Azimai a Cikristu ali ndi udindo waukulu wa kuphunzitsa ana.

Kuphunzitsa ana ndi colinga cathu ca cisanu ndi cimodzi. Tingakumane ndi ici kupyolera m’njira zotsatira:

1. Mu nyumba zathu:

- 1) Pakuphunzitsa ana athu za Mulungu ndi kuwatsogolera kuti akhale Akristu.
- 2) Pakuwaphunzitsa kuti akule monga Akristu kupyolera: Kuwaphunzitsa kupemphera. Kuwatsogolera kuwerenga Buku Lopatulika. Kuwaphunzitsa kupereka cakhumi ndi copereka ku mpingo.
- 3) Kuphunzitsa ana athu za cikondi ca Cikristu ndi cikwati.
- 4) Kuyang’anira umoyo wabwino mu nyumba zathu.
- 5) Pakukumbukira kuti tiri ndi udindo wakuphunzitsa ana athu acikazi makhalidwe oyenera (Miyambo 31:10-31)

2. Mu Bungwe lathu la Azimai

Azimai a Baptist a Zambia ali ndi ma bungwe atatu amene ali mbali ya nchito ya Azimai. Bungwe la Azimai a Baptist ndiye “Mai” wa mabungwe awa.

- 1) Athandizi a ana ndi bungwe la ana azaka zinai kufika zaka zisanu ndi zitatatu zakubadwa. Payenera kukhala musonkhano wina wa ana amene afika pa msinkhu wopita kusukulu.
- 2) Otsatira a Yesu Ili ndi bungwe la atsikana a zaka zisanu ndi zinai kufikira ku zaka 16 zakubadwa.
- 3) Bungwe la Anamwali: Ilinso libweretsedwa ndi Azimai a Baptist a Zambia, ndi la a zaka 17 kufikira pa nthawi yacikwati.

Timathandiza ma bungwe amenewa pakusankha ndi kuphunzitsa atsogoleri. Timapereka zinthu zimene afuna zogwiritsira nchito. Timapempherera ana ndi atsogoleri awo.